



**UNIT KOMUNIKASI KORPORAT
JABATAN PERIKANAN MALAYSIA
BERITA PERIKANAN HARI INI**

**02 April 2024
22 Ramadan 1445H**

SENARAI AKHBAR	TAJUK
Utusan Malaysia	<ul style="list-style-type: none">• Tempahan ikan keli meningkat bulan Ramadan• Dugong ditemukan terdampar di Tanjung Leman
Berita Harian	<ul style="list-style-type: none">•
Harian Metro	<ul style="list-style-type: none">• Bangkai dugong ditemukan terdampar di pantai
Kosmo	<ul style="list-style-type: none">• Jabatan Perikanan ambil tindakan tegas isu bot pukut tunda
Sinar Harian	<ul style="list-style-type: none">•
The Star	<ul style="list-style-type: none">•
New Straits Time	<ul style="list-style-type: none">•
Nanyang Siang Pau	<ul style="list-style-type: none">•
Malaysia Gazette	<ul style="list-style-type: none">•
Harakah	<ul style="list-style-type: none">•
Malaysiakini	<ul style="list-style-type: none">•
Bernamea	<ul style="list-style-type: none">•
Borneo Post (KK)	<ul style="list-style-type: none">•
Guan Ming Daily	<ul style="list-style-type: none">•
Awani	<ul style="list-style-type: none">•

JABATAN PERIKANAN MALAYSIA
UNIT KOMUNIKASI KORPORAT
NO. 1, JALAN PERIKANAN, KUALA LUMPUR
TEL: 603-2311 2222

[REDACTED]						MUKA SURAT	TARIKH
UTUSAN MALAYSIA		KOSMO!	/	THE STAR	NANYANG SIANG PAU		
BERITA HARIAN		SINAR HARIAN		THE SUN	ORIENTAL DAILY		
HARIAN METRO		NEW STRAITS TIMES		THE MALAY MAIL	PELBAGAI		
KATEGORI LIPUTAN	POSITIF		NEGATIF		NEUTRAL		15 24-2024

Jabatan perikanan ambil tindakan tegas isu bot pukat tunda

KUANTAN – Jabatan Perikanan akan mengambil tindakan tegas dalam isu pukat nelayan ketam di sekitar Pengkalan Nelayan Kampung Badong di Merchong yang dirosakkan bot pukat tunda.

Pengarah Perikanan Pahang, Abdullah Jaafar berkata, pihaknya mengambil perhatian isu ini dan akan melaksanakan penguatkuasaan di kawasan terabit.

"Jabatan ambil maklum aduan tersebut dan akan berhubung dengan pihak pengadu bagi mendapatkan maklumat lebih terpe-

rinci supaya tindakan termasuk penguatkuasaan lebih tepat dapat dibuat.

"Peralatan pukat tunda sememangnya merupakan peralatan yang 'destruktif', tetapi vesel dengan peralatan tersebut cuma dilesenkan beroperasi lima batu nautika ke atas," katanya di sini semalam.

Baru-baru ini Kosmo! melaporkan keunikan jualan ketam segar terus dari laut di Pengkalan Nelayan Kampung Badong, Merchong di sini yang menjadi tumpuan sejak sekian lama bakal



KERATAN Kosmo! 9 Mac 2024.

lenyap akibat aktiviti bot pukat tunda yang terus berleluasa di kawasan perairan tumpuan nelayan kecil itu.

Kewujudan bot pukat tunda

itu bukan sahaja merosakkan habitat ketam yang banyak di kawasan itu, malah memberi kesan signifikan kepada nelayan kecil yang kehilangan hasil dan terbebani akibat pukat yang hilang serta rosak dilanggar bot pukat tunda.

Seorang nelayan, Rozaidy Othman, 47, berkata, keadaan yang berlarutan sejak sekian lama itu menjejaskan lebih 50 nelayan di kawasan itu yang terpaksa menanggung kerugian saban hari.

Dalam pada itu Abdullah berkata, pihaknya tidak akan

berkompromi dengan mana-mana pihak termasuk bot pukat tunda yang melanggar peraturan ditetapkan.

Kata Abdullah, tindakan tegas akan dikenakan termasuk di bawa ke mahkamah jika mereka didapati bersalah melanggar peraturan ditetapkan.

"Jika ditangkap mereka boleh ditahan dan dikompauan sehingga maksimum RM20,000 atau didakwa di mahkamah dan jika sabit kesalahan boleh dilucut hak dan dibatalkan lesen," tambah beliau.

UTUSAN MALAYSIA		KOSMO!		THE STAR		NANYANG SIANG PAU		MUKA SURAT	TARIKH
BERITA HARIAN		SINAR HARIAN		THE SUN		ORIENTAL DAILY			
HARIAN METRO	✓	NEW STRAITS TIMES		THE MALAY MAIL		PELBAGAI			
KATEGORI LIPUTAN	POSITIF		NEGATIF		NEUTRAL				
								4	02.04.2024

Johor Bahru: Sebanyak 10 kes kematian dugong termasuk anak dugong direkodkan di perairan negeri ini antara 2015 hingga 2022.

Terbaharu, seekor dugong dewasa sepanjang hampir satu meter ditemukan terdampar di kawasan pantai berhampiran Tanjung Leman, Kota Tinggi pada 30 Mac lalu.

Jurucakap Jabatan Perikanan Negeri Johor berkata, bertindak hasil aduan awam, anggota Cawangan Konservasi dan Perlindungan Perikanan Mersing bergegas ke lokasi untuk pemeriksaan.

“Sampel bangkai dugong itu diambil untuk siasatan lanjut bagi mengenal pasti punca kematian.

“Pemeriksaan awal percaya dugong berkenaan mati sejak beberapa hari lalu,” katanya memaklumkan perairan Johor adalah satu-satunya tempat di Semenanjung Malaysia di mana dugong boleh ditemukan.

Menurutnya, populasi dugong semakin berkura-



BANGKAI dugong dewasa sepanjang hampir satu meter ditemukan terdampar di kawasan pantai berhampiran Tanjung Leman.

Bangkai dugong ditemukan terdampar di pantai

ngan akibat ancaman kehilangan serta kemusnahan habitat dan ekosistem rumput laut.

“Walaupun tiada data populasi dugong yang tepat di kepulauan Mersing, Pertubuhan Penyelidikan MareCet menganggarkan

populasi dugong kurang daripada 100 ekor sahaja,” katanya.

Justeru, katanya, Jabatan Perikanan kini sedang dalam proses untuk mewartakan kepulauan Mersing sebagai kawasan santuari dugong untuk melindungi

populasi dugong dan rumput laut.

Katanya, pihaknya berharap santuari ini dapat memberi perlindungan kepada spesies itu malah meningkatkan keedaran masyarakat berkaitan spesies terancam terbabit.

UTUSAN MALAYSIA	✓	KOSMO!		THE STAR		NANYANG SIANG PAU		MUKA SURAT	TARIKH
BERITA HARIAN		SINAR HARIAN		THE SUN		ORIENTAL DAILY			
HARIAN METRO		NEW STRAITS TIMES		THE MALAY MAIL		PELBAGAI			
KATEGORI LIPUTAN:	POSITIF	✓	NEGATIF		NEUTRAL			30	2.4.2024

Tempahan ikan keli meningkat bulan Ramadan

4M MS 30

BESUT: Ramadan bukan hanya membuka rezeki kepada penjual makanan dan minuman malah turut memberi pendapatan berganda kepada penternak ikan keli di daerah ini.

Ann Bazlin Seman, 42, dari Kampung Gong Pasir, Kerandang, berkata, permintaan terhadap sumber protein itu meningkat sekali ganda pada Ramadan ini berbanding bulan lain.

“Lazimnya dalam bulan-bulan lain, permintaan terhadap ikan keli ini sekitar 700 kilogram (kg) tetapi bulan puasa meningkat lebih 1,000kg.

“Permintaan ikan keli tinggi kerana rata-rata penjual berniaga di bazar Ramadan membuat tempahan lebih banyak berbanding hari biasa,” katanya ketika ditemui di sini kelmarin.

Dia yang melibatkan diri bidang penternakan sejak 2022 berkata, kebanyakan peniaga bazar Ramadan memerlukan bekalan ikan yang banyak bagi menyediakan juadah berasaskan ikan itu.

“aya masih mengekalkan harga lama iaitu RM9 sekilogram manakala borong pula RM8 sekilogram,” katanya.



ANN Bazlin Seman menunjukkan ikan keli yang ditenak di Kampung Gong Pasir, Kerandang, Besut, Terengganu. - UTUSAN/WAN ZURATIKAH IFFAH WAN ZULKIFLI

UTUSAN MALAYSIA	/	KOSMO!	THE STAR	NANYANG SIANG PAU	MUKA SURAT	TARIKH
BERITA HARIAN		SINAR HARIAN	THE SUN	ORIENTAL DAILY		
HARIAN METRO		NEW STRAITS TIMES	THE MALAY MAIL	PELBAGAI		
KATEGORI LIPUTAN	POSITIF		NEGATIF	NEUTRAL		34 2.4.2024

Dugong ditemukan terdampar di Tanjung Leman

MERSING: Seekor dugong dewasa bersaiz panjang satu meter yang dipercayai mati beberapa hari lalu ditemukan terdampar di kawasan pantai berhampiran Tanjung Leman, dekat sini.

Bertindak hasil aduan awam, anggota Cawangan Konservasi dan Perlindungan Perikanan Mersing telah bergegas ke lokasi berkenaan untuk mengambil sampel bangkai dugong tersebut bagi siasatan lanjut untuk mengenal pasti punca kematian.

Jabatan Perikanan negeri dalam satu kenyataan memaklumkan, perairan Johor adalah satu-satunya tempat di Semenanjung Malaysia di mana dugong boleh ditemukan.

"Walau bagaimanapun, populasi dugong semakin berkurangan akibat ancaman kehilangan serta kemusnahan habitat dan ekosistem rumput laut.

"Antara tahun 2015 hingga 2022, kira-kira 10 kematian dugong, terutamanya bayi telah dilaporkan. Walaupun tiada data sebenar populasi dugong di Kepulauan Mersing, Pertubuhan Penyelidikan MareCet telah menganggarkan populasi dugong kurang daripada 100 ekor," kata kenyataan itu.

Padang rumput laut di Pulau Sibul dan Pulau Tinggi merupakan kawasan ragut bagi spesies dugong.

Keunikan serta kesuburan kawasan rumput laut di Johor penting bukan sahaja untuk kemandirian dugong, malah memberi perlindungan kepada pelbagai biodiversiti marin di kawasan tersebut.